

三原縣志卷之十

知縣事豐山張象魏編輯

名宦

召父杜母史冊傳為美談客保教思久而弗忘也况勿剪勿拜思其人者愛其樹尤秦中之勝事乎作名宦志第十九

知縣

晉

杜軫字超宗成都人初舉孝廉除建寧令又除池陽令為雍州十一都最百姓生為立祠得罪者無怨言晉書本傳

三原縣志

卷之十

名宦

一

唐

王播字明敷其先太原人父恕為揚州倉曹參軍遂家焉貞元中擢進士舉賢良方正異等補盤屋尉以善治獄李文薦為監察御史京兆尹李實與播遇諸衢故事尹當避道揖實不肯播移文詆之實大怒表播為三原令邑中豪強犯法未嘗輒貸歲終課最實重其才更薦之太和元年拜左僕射卒唐書本傳

史憲忠字元貞隴州刺史會昌中築三原城吐蕃因之數犯邊拜憲忠涇原節度使以怖其侵吐蕃遣使請墮城自願以膏殺使者之人輸塞上憲忠謝曰前吾未城爾

犯我地安得禁吾既城爾殺吾使為員宜先取罪人謝
我將無所不得今與爾約前節度使事一切置之吐蕃
頡厥馬谿田通志

宋

臣大鈞字和叔大志弟蓋田人初學於橫渠卒業於二程
中乙科調秦州司理叅軍改知三原有惠政請代父貴
入蜀移巴西縣宋史本傳

按舊志載有皇甫選以其奉詔修浚洪口堰也蹟在
涇陽功被數縣通志載之非邑乘所當錄且歷代大
臣經理洪堰者多矣可盡錄乎故刪又有劉公擇延

三原縣志

卷之十

名官

二

祐五年任見大成殿額事不可考附識之

金

蕭邦傑令三原有善政清慎慎才敏極一時之選金史王浩傳附

元

趙公諱字允升櫟陽人秦定甲子進士以寧州判官調三
原縣尹重建龍楹樓立加封大成至聖文宣王聖號碑
作廟學記通志田文章吏治兼擅其長累遷在司郎中進

工部尚書前志

李誠字克誠渭南人辟隴西在憲司吏除雲南知事摧尹
三原時河南賊寇不軌大兵徂征轉粟挽芻賦役倍地

日誠量戶高下而均其徭民無苦病一境安堵祀名宦

明舊志

陳思道新安人為河南行省左丞至正二十六年闕中多

故以平章張良弼檄移守三原首謁孔子廟立學官既

宏且麗生徒濟濟文物煥然至今稱之載明舊志

朱春至正末為三原尹明兵克奉元春謂其妻曰吾當以

死報國妻曰卿盡忠妾豈不能盡節俱投崖死王康僖

別立專祠於南門內見明紀事本末明一統志及通志

明

陳榮成縣人永樂元年任撫民慈愛守己廉慎民多稱頌

三原縣志

卷之十

名宦

三

明舊志

劉耽武定人監生宣德四年任朔望詣學宮與諸生講解

咸有進益治亦多善政

明舊志

楊總字彥達雄縣舉人正統元年任剛斷有為事無壅滯

因園空虛舖遞舊從涇陽統至本府道路迂遠請改正

南事無稽遲邑里二十有八撫郵數載至正統七年新

增崇明廣智永豐三里九年秩滿保留陞正六品俸仍

知縣事民為立碑祀名宦載通志

朱希深水人監生景泰初知三原平易近民事亦辦集

田餘

通志

莫謙大興人進士天順四年任襟懷灑落見事敏捷善題
咏士林稱之志明舊志

李景繁字邦泰儀封人進士成化六年任慈祥愷悌政務
修舉過節序誕辰許民慶賀亦間至民家頗受餽遺然
民咸愛戴立石頌德陞太僕寺丞後遷四川叅政通寺
縣士庶懇懇留十日乃得行祀各官通志邑民四時節
禮浮華而禁葦以省冗費吉凶大禮適度而戒諭以止
奢靡流民間風來者給以田產窮民不能葬者施以棺
木尤究心學校重建大成殿六楹其規模壯麗大宏敞
於前也張曉撰去思記

三原縣志

卷之十

名宦

四

龐輔鄉宦人舉人成化十四年知三原自奉儉薄注意民
瘼剛腸勁骨不媚上官杜私買絕餽送上官怒或誣以
他事管之已而持節如故無所搖奪以此民安業受惠
良多後陞知階州士民懷思比之趙清猷包孝肅云祀
名宦通志

馬龍字文祥齊東人以進士授刑科給事中上書忤旨謫
岐山丞弘治二年巡撫薦知縣事歷任四年政教舉
陸汝寧同知士庶立去思碑祀名宦通志節操冰霜門
無私謁號令金石人有定守重農桑均賦役折獄清明
馭下嚴重修堂建號充拓學官之規模命題講義成就

人材之放失過早虔禱而大雨逢火拜祝而反風
廟祭器苦窳易以金錫祀倉廩棟宇傾頽創之堅良

撰遺
愛記

謝鵬衛輝人舉人弘治初知三原勤慎能幹得牧民之道

通志

程啟克嘉定人進士正德四年任才敏識優政持大體民
有罪笞之不迺三杖而已以七杖為重刑然民皆畏服
境內肅清邑有山西妖人李午以術惑眾將舉兵乃以
微罪收其黨午懼而逃之洛川後洛川事起三原無患
擢監察御史祀名宦

通志

田力正婚喪絕之以禮僧道施

三原縣志

卷之十

名宦

五

食民死弗召若服飾踰數並論以法督率髦士濟濟有

去長
去思
撰記

張治穎川衛人舉人嘉靖十四年任數月即解任去君子

稱其恬退

通志

穆甯中字允執號平津以進士授三原縣甫下車廉知俗
鮮力本競尚浮華號為富度實則非然蹙然曰邑固以
虛名而受重因乎乃日勸民力農桑尚節儉又嚴學校
絕請謁餽送供應之規隣邑無不願屬穆君由是受委
叢沓奔馳無虛日嘉靖乙卯冬十二月非常地震人死
十之三壞屋十之八九盜賊羣起人心洶洶賴公安輯

後以丁內艱去民咸思之祀名宦載通志詳來聘去思記

高進孝字可愚獲嘉人進士萬歷十九年任政清吏肅能詩文與溫恭毅同建橋繕城為巡按劾去官教載囊無私貯後治兵慶陽道經三原百姓擁轂奉觴悲悌不忍別為立祠塢南邑人來復有記

張應徵字元聘別號停一年弱冠登萬歷乙酉進士即任三原時隸結郭西黠民為奸應徵至摘其首惡罪之黨即解未浹旬才望大著性儉樸食常一盞夫人無繒采邑事悉從節省三載案無累牘民不飾奸獄無滯寃

三原縣志

卷之十

名宦

六

農有餘積以循績遷南北部去既久民思之為立石通衢載通志

沈琦字仲玉吳江人由進士補高陵踰月移三原時萬歷二十七年也或曰邑五方民維轂以居黠猾難治非震懾何以爭長琦答曰三尺俱在奈何以民命立吾名及視事惟教諭風曉德意煦濡之境內遂有寬然無事之樂居五年拜命禮部瀕行衣無增帛篋無留俸更見廉介之操載通志

李棲鳳字耕震臨晉人進士萬歷三十三年任不弛不激按嘗法者數人重寘之法羣奸股慄民愛士附上官薦

章十教上五年陞任去載通志

何朝宗道州人萬歷三十八年任有循吏聲相傳疏濬三

里渠斬木導水勞於民事又文絕諸不法云前志

揚之璋字錫之河內人進士萬歷四十年任歲比不登緩

征平價民不至大困他讞訊之明編審之巧贖緩如之

蠲黠猾之懲河渠之濬至今猶樂道之載通志

姜兆張字省宇掖縣人以進士任下車問民疾苦為鋤強

暴有嫌其風節過峻者則曰稂莠不除嘉禾不生越二

年調長安士庶無老幼擁車悲涕不能行後官憲副以

勞率卒民為立祠思慕之前志

三原縣志

卷之十

名志

涂有祐字受伯銅梁人進士任三原清慎勤敏政事之暇

宏覽博物登山臨水不廢吟咏聽訟迎刃而解凡所剖

斷兩造成版尤嚴城守除盜寇修學官厚章縫善政不

可盡述邑南門外有專祠以誌廉明載通志

李昌興濟進士萬歷間任潔已臨民不污水操及解緩人

去行李蕭然有古循吏風前志

劉昌祥符人進士天啟七年任精於吏治案無留牘民無

伏奸值流寇猖獗所至攻陷邑震恐乃明偵昌謀練士

著慎封守綏輯持重數載境無恙丁內艱歸為創祠尸

祝載通志

陳宸頌字我恂濟寧人進士崇正間任志操清白不染片
私緩徵催剔吏課弊子拯流離勦除彭寒強寇士民士
去後益思載通志

本朝

李溥字雷澤鄆陵人順治乙酉舉人丙戌進士授三原
令英 爽有才幹尤善發摘吏民惕息喜誣諧善默識
凡紳士姓名行履瓜葛姻親雖猥瑣如謔名小字皆
能道之時流氣未靖飄忽聚散數伺縣城溥繕雉堞
增樓櫓練鄉勇遠游探晝夜乘城守之賊數十至無
隙可投一又有偵騎報賊期二鼓抵城伏某某為內

三原縣志

卷之十

名宦

八

應溥神色自若徐呼更天密語命通宵以二鼓聲達
且賊候至雞鳴知謀洩而避其守城也舉各方紳士
聚城樓以督戍堞之夫常屏燈火從二三健兒緩步
巡視間指一樓曰此非某某分直地耶即少憇其中
及去又復笑至或飲酒談風雅稍及家事就其文質
與語莫不快意自是無敢不夙夜城樓者九年春賊
破西鄉王恣剽掠據戴薛山溥馳檄借兵鎮將馬堡
靜宇搗其巢穴獲三百餘人盡殺之南郊境得寧息
是歲遷戶部主事原人肖像立祠於學宮左翰林學
士岳映斗勒碑記功載通志

駱復且字叔夜浙江山陰人明經性敏捷擅文名順治十二年以推官改授至榜其庭曰願為真父母由是均徭役擒巨盜令簡刑省與民休息公暇手一編興及門相攷訂好集古石刻校勘真贋常攝淫蓋兩邑俱以風雅行所無事民甚宜之歷官三年貧如赴任時會以水利事論達久甚之得白補江西崇仁縣前志林遜候官人順治十七年以明經任律已嚴峻臨民慈祥無纖毫私竇尤好植士類越六年遷開州邑感其德擬建祠勒碑遜聞切禁止之前志徐勅字戢齋浙江勤縣人康熙癸卯舉人甲辰進士十

三原縣志

卷之十

名宦

九

三年任時平慶寇逆徵繕供億各上游以軍令悉索三原其他邑乃苦心調劑嘗身先百姓請命多賴安金又屬意人才雖刁斗傳呼間猶有相隨問業者越三年內遷中翰後官御史前志

俞璉字商臣蕭山人康熙三十一年以靖遠衛經歷晉三原令下車當歲大饑時發帑轉漕開倉拯救貧民璉實心任事一切散粥賜粟必躬親胥吏不得作必奸全活甚衆又招徠流氓數千戶日履畝勸懇樂之不疲訟獄反覆推勘俾無枉縱在位七年卒於官邑人士吊之見棺外無餘物乃歛金治裝資之歸璉由

吏員通籍公忠清亮絲毫不妄取論者比之况鐘而
惠愛及人為近代名宦第一載通志

李瀛字三山號敬園浙江山陰人康熙丁卯舉人甲戌
進士三十八年任時邑昔偏稅里民馮應昌等控閩
叩閩情終上隔瀛申詳分併三閩自是商賈流通稱
殷繁矣邑乘自王端毅編後中間隨時補苴脫略不
完乃倡邑人徵文考獻補備一百七十餘年之事蹟
洵盛典也其他崇文重士尤懷之康熙四十六年
內遷主政去其併邑稅之功邑人奉其主裁于恩德
祠至今祀之

縣丞

明

郭忠徐州人吏員宣德中任熟吏事政公平民多稱之陞
秦州同知載通志

形彪曲沃人監生弘治初任博學篤信公廉正直包苴閹
節不通一如龐尹而儉又過之雅不肉食惟茹野菜樹
葉而已嘉蔬美味未嘗八口羅綺錦繡未嘗被身下鄉
收糧勸事自裹乾糗無分毫擾人後考察罷去方自餉
邊而歸至淳化聞信即不入邑然貧不能歸乃擇咸寧
僻處陋室以居朝夕玩誦經籍有得輒筆之雖食不克

口身無完服而其容如渥丹氣常浩然

通志

白廷佐興縣人監生嘉靖中任律身清白無愧民牧

明舊志

魏泰徵字華辰濟寧人思貢崇正間任潔已愛民細行心

於三載蓮幕有清風皓月之况

前志

本朝

朱廷楷魏縣人選貢康熙年間任清儉自持長厚能容

攝邑事半載政教度人情土俗施之民以為便陞清

澗知縣

前志

林元燾長樂人監生康熙中任守己不污佐治有道嘗

呼客傳杯臨流拈咏稱風流賢吏遷禮縣令

前志

三原縣志

卷之十

名宦

十一

陶壩秀水人監生康熙中任雅度冲襟才識敏徹政務

井然修舉以憂去

前志

主簿

元

雷貴高陵人主簿三原猛不殘義寬不宥姦

通志

明

劉信朔州人吏員成化二年任存心平易處事勤能

明舊志

劉純定襄人監生弘治六年任勤謹和易起造樞星門三

閭民不知勞

明舊志

趙昂開州人監生正德初任好恤貧獨不畏高明在官平

居接物怡如愉如或有闕節則千搖百撼不可以動然
聲色以如常故君子以有道稱之當路或委以政事即
所在底績蓋其廉正如龐如邢其寬而粟直而溫則無
能同者後陞博興令通志田
典史

唐

陳藏器四明人唐開元中三原縣尉以神農神本草經雖陶
蘇補集之說然遺沉尚多故別為序例一卷拾遺六卷
解紛三卷總曰本草拾遺本草綱目

元

三原縣志

卷之十

名宦

十二

張繼祖至正年間任建鐘樓明舊志
本朝

鐘詮順治十五年任知縣駱復且擒巨賊其畫策多出
之詮陞眉州吏目前志

何士鳳山陰人康熙中任值西南跳梁環慶流寇乘間
攻掠諸邑成嚴士鳳畫清街夜乘城歷勞三年前志

教諭

明

解鐸樓霞人監生永樂中任九年考滿保留復任明易詩
書三經教訓有方士登賢書提南宮者皆其力也載通

志

張本河內人舉人正統元年任居躬樸誠教誨勤摯明舊志

劉亮洛陽人舉人正統中任博學善誨諸生賴馬子健隨

任受學後為吏部尚書文淵閣大學士明舊志

張奎裕州人舉人弘治三年任學規嚴肅訓迪有方明舊志

張信陵川人舉人弘治十八年任祀名宦政績未傳明舊志

本朝

黎時雍字叶徵寧夏人舉人康熙八年任文風學規勵

志整飭加意造就孤寒前志

白補宸字衮五清澗人舉人康熙十七年任寬厚坦白

三原縣志

卷之十

名宦

十三

士樂近之造就稱一時之盛陞寧夏衛教授前志

王宸字升御平原涼舉人康熙中任學問深淵訓迪不倦

陞漢中府教授前志

王體正蒲城人舉人雍正七年任學問擾贍清介不取

經其指授者率多科第尤精顏魯公法書

訓導

明

王藻太原人永樂三年任學行優贍訓誨勤苦每至夜分

始寐諸生多有造就明舊志

段徽懷仁人舉人宣德八年任有學有行誨人不倦陞南

官教諭明舊志

本朝

喬瑄寶雞人歲貢康熙三十年任渾樸樂易不為曲謹
立言持論皆本名儒以年老歸前志

按雷貴通志前志皆逸趙昂前志僅存其名今據裕
田增補

縣尹朱公夫婦忠節記

明王承裕

元有天下為之臣居其官任其事挺然不為流俗所染見
危致命者則有其人焉是人也世之所謂烈丈夫忠魂義
氣常聚而不散興一方之河岳同流峙於旋無窮也承裕弱

三原縣志

卷之十

名宦

十四

冠時侍先太師端毅公嘗謂之曰吾三原昔有縣尹朱公
春者守官之日適國朝天兵克奉元謂其妻曰吾當以死
報國妻曰卿能盡忠妾豈不能盡節俱投崖死嗚呼死生
亦大矣朱公讀聖賢之書任民社之責見道分明視死如
歸其妻之死不異於公益公之死為君而妻之死為夫君
為臣綱夫為婦綱君臣夫婦之際不使有毫髮虧斯人也
世豈易有也哉今屈指百七十八十年當路諸君子生乎其
時者既失於表章生乎其後者又忽於表章視世之一夫
一婦有造端之善者或達之官或聞之朝蒙旌典以為世
勸者不可以數計乃朱公夫婦孤忠大節昭如日星烏可

俾之泯泯而無傳承裕生也晚且還政於朝無所獻為爰約鄉黨之遊吾門者共伐石為碑題曰有元三原縣尹朱公夫婦忠節之碑而為文以紀其事豎於道左以為後來為臣者勸

邑侯高可愚先生生祀祠記

來復

關以西稱壯縣原其一五方維穀以居其黠猾視他縣不易治當可愚先生以名進士治茲邑也不佞復年未冠稍知落筆為古文詞歌詩矣會先司馬尚末第家居以文字意氣與先生稱莫逆先生既試不佞文奇之已知其為先司馬兜視之如子已又視為古文若近禮詩頗稱意則

三原縣志

卷之十

名宦

十五

哀然待以國士之禮先是令原者即政事通明類不談及文事原士亦苟安簡陋幾不知斌斌為何物其上者佻浪麤猛縱筆自雄放曰文在是矣先生亟挽之就雅士子略知所向公餘則掉臂花塋吟嘯自適有潘河陽沈休文之高致間有所著邑人傳誦師之然香爐書卷而外橐中裝如洗居數年政成隣封同事者嫉其賢中以飛語挂直指議去其去也以築城建橋故是時夏酋叛羽書日數至鄉薦紳溫太保先生倡議城北城官寺居南則先生倡議城南城不日兩城夾水樓櫓相望河水暴發隔如天塹決溝奔注沒及蒼泗岸人相聚駭嘆莫敢逼視自宋至今橋木

圮莫有葺者先生觀其狀恚之遂議建橋橋悉以石橫若
千直若千採木驅石捐金量費已有算矣難之者曰其如
捧土以填孟津何先生不為中輟謀之太保先生太保力
佐贊之手創募緣疏以告遠近其採木驅石捐金量費業
始事矣而先生去去十餘年橋竣水之暴烈不減于昔而
行者不知有水之害相與推原其自于是祠太保先生于
壩北而祠先生于壩南繚垣甃甃欂櫨朗煥中巍然穆坐
而貌者先生像也像對眎橋脊若長虹吞壑弭耳頽首同
顧堂宇而堂中主人怡怡有障百川淩淩谷跨河鼓而涉
析津之意又數年而先生由國學郎署遷憲司駐節慶陽

士民數百人迎之省會曰邑慶陽便道也先生即無意原
寧無意原之橋乎扶掖趣駕諸薦紳學士以迄老更隸胥
各具壺榼于橋以次上奇橋幾不勝載夾兩城而觀者萬
人婦孺皆出咸指曰此余令君也祠祠中貌不殊但腰間
金嵌人組纍纍然耳先生至祠下謝不敢任亟命毀像諸
父老進曰我公無言橋可毀則毀耳遽留三日始別闕以
西至今後談其事云嗟夫先生之遇也其不惜以官委橋
也然先生寧墜垂成之績而必欲建難圖之事工成宦成
亦相終始卓哉見乎非是則邑人報先生者亦何以大異
于諸賢令哉昔直指駁議有怨與橋而俱築語彼烏知功

德與橋俱永一時挫抑必不能掩仁人萬世之績嗚呼非
常之原豈徒黎民懼之已耶按祠典古所最慎而生祠更
屬僅見窮陬鄙壤求其踊躍尸祝神明奉之母論鼓舞難
借即物力易以單微告誥矣古自于公祠獄陳象王棠祠
兵其他以守令祠者張兵任廷韋義杜軫諸公耳軫近稍
濫觴然載在史籍者固更百千人而一覲也惟杜預啟晉
建石橋富平之津衆論以為周所都歷聖賢而不作者必
不可作故也預力任之橋就上同百官臨舉杯勸預而已
亦不聞民為立祠橋不知視今日何如豈當時實資少府
水衡金錢以佐費與余嘗目擊燕趙魏宋之地見其俗多

三原縣志

卷之十

名宦

十七

以祠諛貴貴衰則不旋踵而祠敝武緣飾舊祠以署新貴
之姓氏識者羞西土風淳多存直道余邑二百餘年無焉
為令祠者有之自先生始攷之祠典正符禦捍蓄慮之義
且祠興于先生挫抑之日知民情矣斯基其常新矣乎先
生之慶陽數月即移疾家居春秋強富神情夢想肯眷西
顧余小子即頽廢不能如曩見知先生時尚堪隨里父老
後為巫覡之歌以媚伏臘之餽餘

邑侯張傳一先生去思碑

來復

先生晉猗氏人也猗距原僅四百里先生為諸生聲名播
秦地歲甲午乙未原之先生預策晉士入彀必首舉先生

尋果以省元聯第值今缺印又策新貴之通為令者咸望
先生以先生近便習吏民風俗也尋果除原令下車士大
夫百姓以各故爭觀先生方弱冠驚曰是豈任令乎是時
邑紀法少隳捐掾善伺候冀竊意旨而署中諸隸與郭西
豪惡通行飲食一切夤緣為奸先生至盡按捕其主名內
外諸不法以次受罪已下令開示自新之路俾黨與解散
不者且坐于是羣奸脅息境內一時肅清矣為治數月上
官暨鄰封咸首推三原令神君察采有貪贖者至不敢均
茵馮其赫然以才望著稱見憚如此邑百賈輻輳地民習
為頗多浮訟號冗劇難辨先生以半晷剖判立已以事謁

三原縣志

卷之十

各宦

十八

見者起不雞鳴不能及無冬夏皆爾迹其為雖宰十邑不
能難性簡樸不喜華靡食常一肉夫人希繒采邑中往來
供餉與繇役繕造悉從省抑以節嗇養物力燕處輒讀古
今各書數延見篤學之士相論說善識士馬能預言士功
名以文知之所拔優異多列名薦紳者戎戎上計政最中
流言幾廢事雪還職邑人歡呼迎道左者千萬家明年遷
比部先後以父母喪歸里邑民踰河吊慰者相繼前此所
亡有也先生去既久邑人歌思不絕曳石子城通衢紀述
功德以識不忘先生諱應徵字元聘別號停一云

邑侯俞商臣先生逸事

本朝

劉紹放

雍正八年余修通志編及名宦因檢前志俞尚臣先生傳
竊恨寥寥數言既不詳密並不能實指其一事使賢君子
流風善政泯沒不彰悵然久之憶康熙年間邑之人者徃
徃道先生遺澤有餘慕焉余時尚小粗問其事不能細也
云先生治原在江寧湯公之後康熙三十一年大禋之時
拯危困而登衽席紳士童叟私相告語咸稱大爺親之之
詞也又云先生歿東嶽召受事同日見夢里中十餘人故
今北城東嶽廟廡有先生塑像事涉不經而父老言之鑿
鑿嗚呼異已後漢烏桓傳中國人死者魂神歸泰山三國
管輅傳謂其弟辰曰但恐泰山至治鬼不得治人生如何

三原縣志

卷之十

名宦

十九

然猶曰此西漢以後之說也若大雅云維嶽降神生甫及
申朱子以為嶽山高大降其靈神和氣以生甫侯申伯蓋
陽爰陰合而生五行五氣布而為川岳天地之精英寄焉
蜿蜺扶輿磅礴而鬱積於是乎魁奇忠信材德之民生其
間固有不待生而存不隨死而亡者矣宋登配社汝陰崔
瑗作壇汝縣其先生見夢之謂與書以備獻徵焉

